

- 1^r Diß narren freüt nüt jnn der welt
- 2^r Es sy dann / das es schmeck noch gelt
- 3^r Sie ghören ouch jnns narren feldt



von verachtung armut.

- 1 Gelt narren sint ouch über al
- 2 So vil das man nit fyndt jr zal
- 3 Die lieber haben gelt dann ere
- 4 Nach armüt frogt yetz nyeman mer

3 ere GW5041 GW5046] er GW5047

5 Gar kum vff erd yetz kumen vß
 6 Die tugend hant / sunst nüt jm huß
 7 Man düt wißheyt keyn ere me an
 8 Erberkeyt muß verr hynden stan
 9 Vnd kumbt gar kum vff *grünen* zwig
 10 Man wil yetz das man jr geschwig
 11 Vnd wer vff richtum flysset sich
 12 Der lügt ouch das er bald werd rich
 13 Vnd acht keyn sünd / mort / wücher schand
 14 Des glich verretery der land
 15 Das yetz gemeyn ist jnn der welt
 16 All boßheyt / fyndt man yetz vmb gelt
 17 Gerechtikeyt / vmb gelt ist feyl
 18 Durch gelt kem mancher an eyn seyl
 19 Wann er mitt gelt sich nit abkoufft
 20 Vmb gelt vil sünd blybt vngestrofft
 21 Vnd sag dir tütsch wie ich das meyn
 22 Man henckt die kleynen dieb alleyn
 23 Eyn brām nit jn dem spynnwepläbt
 24 Die kleynen mücklin es behebt
 25 Achab ließ nit benügen sich
 26 Mit synem gantzen künigrich
 27 Er wolt ouch Nabothts garten han
 28 Des starb on recht der arm frumm man
 29 Alleyn der arm muß jnn den sack
 30 Was gelt gyt / das hat gūten gschmack
 31 Armüt die yetz ist gantz vnwerdt
 32 Was ettwan lieb / vnd hoch vff erd
 33 Vnd was genem der gulden welt
 34 Do was nyemans der achtet gelt

9 *grünen*] *grüne* n *GW5046* 23 Eyn *GW5046* *GW5047*] Eym *GW5041* 27 Nabothts
GW5046] Nabuhts *GW5041* Naboths *GW5047*

35 Oder der ettwas hatt alleyn
 36 All ding die woren do gemeyn
 37 Vnd ließ man des benügen sich
 38 Was on arbeyt das erterich
 39 Vnd die natur on sorgen trüg /
 40 Noch dem man bruchen wart den pflüg
 41 Do fyng man an / ouch gyttig syn
 42 Do stünd ouch vff / wer myn das dyn /
 43 All tugend worent noch vff erd /
 44 Do man nüt dann zymlichs begerdt /
 45 Armüt die ist eyn gob von gott
 46 Wie wol sie yetz ist der welt spott
 47 Das schafft alleyn das nyeman ist
 48 Der gdenck / das armüt nüt gebrüst
 49 Vnd das der nüt verlieren magk
 50 Der vor nüt hat jn synem sack
 51 Vnd das der lycht mag schwymmen wytt
 52 Wer nacket ist vnd an hat nüt
 53 Eyn armer syngt fry durch den walt
 54 Dem armen selten üt entpfalt
 55 Die fryheyt hat eyn armer man
 56 Das man jn doch loßt bättlen gan
 57 Ob man jn schon sicht übel an /
 58 Vnd ob man jm joch gar nüt gytt
 59 So hat er doch destmynder nitt
 60 By armüt fand man bessern ratt
 61 Dann richtum ye gegeben hat
 62 Das wiset Quintus Curius
 63 Vnd der berümbt Fabricius /
 64 Der nit wolt haben güt noch gelt

65 Sunder ere / tugent / erwelt /
 66 Armüt hett geben fundament
 67 Vnd anfang allem regyment
 68 Armüt hat gbuwen alle stett
 69 All kunst Armüt erfunden hett
 70 Als üfels Armüt ist wol on
 71 All ere vß Armüt mag erston
 72 By allen vólcker vff der erd
 73 Jst armüt / langzyt gwesen werdt
 74 Vor vß die Kriechen dar durch hand
 75 Vil stett bezwungen / lüt / vnd land
 76 Aristides was arm / gerecht
 77 Epamynundas streng / vnd schlecht
 78 Homerus was arm vnd gelert
 79 Jnn wißheyt Socrates geert
 80 Phocyon jnn mylt übertrifft
 81 Das lob hat armüt jn der gschrift
 82 Das nüt vff erd ye wart so groß
 83 Das nit von erst vß armüt floß
 84 Das Rõmsch rich / vnd syn hoher nam
 85 Anfänglich vß armüt har kam
 86 Dan wer *merckt* / vnd gedenckt do by
 87 Das Rom von hyrten gbuwen sy
 88 Von armen buren lang regiert
 89 Dar noch durch richtum gantz verfürd /
 90 Der mag wol mercken das armüt
 91 Rom baß hat gthon / dann grosses güt /
 92 Wer Cresus arm / vnd wiß gesyn
 93 Er hett behalten wol das syn
 94 Do man frogt Solon vmb bescheyt

65 erwelt *GW5046 GW5047*] er erwelt *GW5041* **72** vólcker *GW5046 GW5047*] vólckern
GW5041 **86** merckt] werckt *GW5046*

95 Ob er hett rechte sällikeyt
 96 Dann er was mächtig / rich / vnd werd /
 97 Sprach Solon man solt hie vff erd
 98 Keyn heissen sellig vor sym todt
 99 Man weißt nit was har noher gat
 100 Wer meynt das er vest stand noch hüt
 101 Der weißt doch nit / die künfftig zyt
 102 Der her sprach / üch sy we vnd leydt
 103 Jr richen / hant hie üwer freüd
 104 Ergetzlicheyt jnn üwerm güt
 105 Sellig der arm / mit fryem mü̇t /
 106 Wer samlet güt durch liegens krafft
 107 Der ist vnnüṫz / vnd gantz zaghafft
 108 Vnd macht sich veiṡßt / mit sym vṅglück
 109 Das er erwürg an todes strick
 110 Wer eynem armen vnrecht dūt
 111 Vnd do mit huffen will syn gūt
 112 Der fyndt eyn richern dem er gibt
 113 Syn gūt / so er jn armūt blibt
 114 Nit richt din ougen vff das gūt
 115 Das all zyt von dir fliehen dūt
 116 Dann es glich wie der Adler gwynnt /
 117 Fädern / vnd flügt bald durch den wynt /
 118 Wer gūt vff erden rich hie syn
 119 Christus wer nit der ärmst gsyn
 120 Wer spricht das jm sunst nüt gebrest
 121 Dann das on pfenning sy syn täsch
 122 Der selb ist aller wiß̇heyt on
 123 Jm gbrüst me dann er sagen kan
 124 Vnd vor vß das er nit erkennt
 125 Das er sy ärmer dann er wānt

121 Dann das on *GW5041 GW5046*] Dann on *GW5047*